

中國方志叢書·華中地方·第一七四號

據

清·陳方瀛修，俞樾纂
光緒五年刊本

影印

江蘇省

川沙廳志

(二)

成文出版社有限公司印行

83



10097868

中華民國六十四年 月臺一版

川沙廳志

全二冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

川沙廳志卷八

名宦志

宦績

明

湯和字鼎臣濠人從太祖定天下封信國公倭寇海上帝患之顧謂和曰卿雖老強爲朕一行和請與方鳴謙俱鳴謙國珍從子習海事乃度地浙西東並海設衛所城五十有九選丁壯三萬五千人築之盡發州縣錢及籍罪人貲給役或謂和曰民壽矣柰何曰成遠算者不惜近怨任大事者不顧細謹踰年城成稽軍次定考格立賞罰令民四丁以上者戶取一人戍之得五萬八千七百餘人嘉靖間東南苦倭患而和所築城戍皆堅久且不圯沿海民賴以自

保贈東甌王諡襄武

上志參南志

施之和福州人洪武間爲下砂場副使轄一團至九團時沿海蕩則消雜竈丁疲乏之和清釐科蕩設法濟竈積勞卒於官以兵戈梗道就葬十七保子孫因家焉

南志參

周忱字洵如江西吉水人永樂二年進士宣德五年擢工部侍郎巡撫南直隸請頒鐵斛革糧長之大入小出者令官民田並加耗縣立倉水次支撥羨餘俱於是存積米有餘則減耗更有餘入濟農倉賑貸之外凡綱運風漂盜奪者皆借給秋成還官改民運至瓜州或淮安交漕軍費大省納金花銀每兩當米四石解京兌俸正統初兼理松江鹽課時鹽丁附場者煮辦恆苦乏食遠鄉助出柴價又往返病農華上通課至六十三萬餘引忱計其所耕出糧六萬

石儲各場節運耗以足鹽丁之食其柴價官爲支遣彼此交便課遂充濬濱海諸河修海塘在任二十餘年遷工部

尙書諡文襄

府志參上志

崔恭字克讓直隸廣宗人正統元年進士天順初巡撫江南以米貴出倉粟平糶而取其直充義役費吳淞江湮塞恭浚萬餘丈下流遂通又浚曹家溝諸水至今爲利民因目曹家溝爲都臺浦陞尙書卒贈太子少保諡莊敏

明史參府志上

志十七保十二圖舊有崔使君廟

前志

尙維持汝甯人嘉靖間以御史巡按江南會倭寇入犯籌議沿海守禦之策得里人喬鏜王潭築城之請維持籌劃形勢入告增柘林川沙二城飭同知羅拱宸董築川沙城旣成親至川沙經略守禦事選土著千人留粵兵二百人以

夾輔之使不時巡徼守備自是永免倭患

前志

熊桴字元乘湖廣武昌人嘉靖二十九年進士署太倉州三
十三年遷蘇州同知晉按察僉事備兵蘇松倭寇橫江淮
間熊會河朔荆襄兵大敗之在吳十有二年從將帥誅賊
大小三十餘戰斬獲一千四百級有奇建川沙等五城擢
雲南參政累官至都御史卒贈兵部右侍郎

府志參金山衛志

任環字應乾潞安人嘉靖二十三年進士由滑縣知縣遷蘇
州同知倭患起長吏不嫻兵事環獨慷慨身任之三十二
年擊賊於上海之八團短兵接戰身被三創幾殆宰夫徐
佩捍環出佩死環以免已守太倉疽發背賊至卽裹瘡登
舟督戰俘斬百餘又連勝於陰沙寶山南沙擢按察司僉
事整飭蘇松兵備帥師援上海敗賊於習家墳三十四年

敗賊於陸涇壩斬六百級復與遊擊曹克新敗賊於川沙
賊呼爲拚命官人論功進布政司參政兼按察副使丁母
憂奪情出治兵三十五年蘇松賊平乞終制許之再丁嫡
母喪以哀毀卒贈光祿寺卿

府志

曹克新四川遊擊將軍統兵援松江攻川沙賊大破之賊退
走吳淞克新復以舟師襲擊斬獲甚眾常於雪夜縱火搗

周浦踞賊燬其巢賊遂潰散卒至殄滅

據府志補

董邦政字克平信陽人以鄉貢授六合知縣善騎射以勇著
嘉靖三十二年擢按察僉事奉檄討倭駐節上海三十四
年擒川沙窪賊與喬鑑分道進焚其巢斬首五百餘級三
十五年又敗賊於清水窪時徵兵多餽惟邦政與鑑捐貲
募勇士數百人爲親軍所向未嘗少挫其鋒

府志參上志

婁宇官把總嘉靖三十三年調守南匯所賊犯境宇擊敗之
又追賊於九團洋後從蘇參將周藩追賊於唐行論功官
至參將

據府志補

國朝

梁化鳳字翀天長安人順治三年進士授山西守備累官至
江南提督十八年晉爵世職三等男時議欲遷沿海居民
於內地化鳳疏曰以所棄地畝計之當缺賦額若干如以
此益兵添設營制則國既足兵民無廢業江南沿海設兵
規自化鳳旋設川沙營參將又捐廉修築海塘魚鹽耕鑿
到今受賜

前志

惠楨祥延安府人年二十三以勲胄任川沙營參將嗜學工
書時營初設兵多强悍楨祥禁輯撫綏恩威兼著兵民相

安甲辰颶潮大作漂沒田廬率將士駕舟拯溺全活以千計水少退擦屍棺買地瘞之又以千百計復詳請大吏賑粟減賦民賴以甦

前志

史彩字簡庵會稽人康熙間知上海縣浦東沿海民多強悍恣橫鄉曲彩訪其魁傑除之羣黨斂迹值川沙城傾圯彩捐俸詳修重葺樓堞不擾民絲粟巡撫洪之傑顏其堂曰

海邦良吏

府志參上志

欽璉長興人雍正元年進士四年除南匯縣以廉能稱時內塘已夷平陸每歲颶潮突漲漂沒田廬因去塘三里添設外捍海塘一萬五千三百餘丈從此潮不爲患人呼爲欽塘以志其惠各團皆立廟祀焉著有虛白齋詩鈔

府志參上南志

陳上齡江甯人下砂場大使雍正十年潮災蕩圯課重詳免

收則竈民德之母林七十生辰白鶴降於庭王道升顏其

堂曰來鶴誌慈孝之感

據府志參南志補

楊長林號蔭堂鐵嶺人父廷璋任兩湖總督爲漢軍四大家之一乾隆己卯改松江董漕同知爲海防清軍同知移駐

川沙捐建公署疏濬塘濠闔境沾利

前志

周垣金鄉人嘉慶十五年任撫民同知因浦東積習稍不克

葬卽殯於野以致積槽盈田垣下車入境見卽愴懷遂詳

捐義塚曉諭掩埋時布政使慶保因垣請亦捐置塚地闔

境紳士遂踴躍捐勸葬以萬計浚內外城濠舟楫以便

成汝舟山西文水人乾隆三十六年知南匯縣事以廉明著

事無鉅細皆出親裁吏役奉法惟謹會川沙城塌損剝裂

者多汝舟謂川沙城亦要害地也遂自請捐修不費公家

一錢民間一粟獨力營成有修城記勒諸石

熊傳栗字民懷河南商城人道光二年進士授縣令三年署

川沙廳事會水災傳栗戴笠跣足通行祈禱詳請蠲免地

漕平糶賑卹以蘇民困時有貧婦抱布易錢三百置某石

傳栗勸昇石至前轡之人以爲異觀者如堵牆即囑局門

使眾魚貫各出一錢以償未半有以無錢告者命搜之得

錢適符所失祇識宛然遂以剔姦除弊洞若觀火後任南

滙等縣重攝廳篆其政類如此

何士祁字仲京號竹薌浙江山陰人道光二年進士十二年

由元和縣令擢任川沙廳事政才明敏治稱最越明年歲

稔倡捐廉俸諭勸賑卹災黎詳請緩徵地漕銀米民賴以

生凡有益於地方者次第舉行建仰德龍神節孝各祠及

同善堂川沙向未有學應試仍歸上南士祁謂欲厚風俗

端由士始捐建觀瀾書院爲培養人材地開濬諸河以禦
水旱建置義倉以備凶荒立義學設卹孩局以資教養創
纂廳志獨力捐鐫興廢舉墜措之裕如民甚德之後以憂
去至二十九年重莅川沙會大水爲災請蠲請賑加意撫
卹一如其前又因川境科名寥落士氣不揚創建魁星
閣峙東南城上書院校課復增經義策論諳諳訓迪是科
秋闈祝椿年獲解士祁贈以詩有句云天上文章牛斗煥
壁間絲竹管絃新註視生家鄰衙署一時傳爲盛事人謂振興之
力爲多尋陞松江府值學院試查飭籍隸川境生童所有
卷結之貲概予捐給於川沙人士親愛逾甚以故至今懷
服去而見思云

溫綸湛號露臯貴州桐梓人舉人出宰上元上海俱有政聲

道光十八年任川沙廳事下車後不事張皇補苴一子民
以便遇儉歲減徵緩賦必固請上臺以紓民力書院校課
視諸生童不啻親子弟諄諄詳勉一以寬和莫敢干以私
庚子辛丑間西人犯浙境綸湛以江省毗連宜爲聲援捐
廉俸募壯士奮激鼓勵爲有備無患計二十二年春調任
松管糧事夏五月西人擾及吳淞上竇失守外來匪類脅
川境不逞之徒環衛署燬卷牘土匪乘間肆掠川沙大擾
是年八月大吏知綸湛素得民心亟檄回川沙時藉民屋
爲蒞政所諸務夢如綸湛至而百廢具舉不動聲色置首
事者以法重獲莫安川沙人士因取漢民頌郭大夫之義
額於堂曰還我使君至二十六年秋以疾乞歸

景又春字杏村河南商城人道光二十一年任川沙營城守

千總奉職勤慎而膽識過人越明年夏五月西人入犯吳淞上寶失守外來醜類勾結川境土匪乘間肆掠勢甚洶洶又春率民團兵勇赴鄉彈壓擒獲渠魁繩之以法地方遂安川沙人士爲建報德堂以誌勿諼後歷川沙營守備署參將陞上海右營參將加副將銜

朱鈞號筱漚浙江海甯人廩貢生成豐六年任川沙廳事廉明慈惠每聽訟藹然數語而判斷如神吏民無不畏服後陞蘇州府知府署按察使會粵逆竄陷省城督兵巷戰以殉 賜卹如例 國史館有傳

張應濟號舟甫浙江錢塘人附貢生成豐八年由蘇總捕同知任川沙廳政尙簡靜以誠感民時粵逆竄踞金陵省城已閱六載蔓延東下十年蘇常松太相繼淪陷鳳鶴時驚

難於措理應濟從容鎮撫會集民團以資防禦而供應軍需頗形竭蹶外來流亡紛紛鬻至良莠不一譏察爲難大吏知應濟賢檄飭兼署太倉州篆恢恢有餘裕至十一年冬十二月大營潰散連陷奉南遂入川沙先是應濟諭眾曰守土之責城存與存勢不可爲夫復何言乃因平時素得民心民不忍應濟爲賊所污奪其志强之使行昇至上海事 聞吏議奪職同治元年夏應濟隨同大帥克復南匯川沙兩廳縣城檄回川沙大吏奏 准開復原官辦理善後事宜興廢舉墜捐廉俸修衙署疏城濠以工代賑乏食飢民藉蘇其困時舉畝捐以充軍餉應濟巡閱四鄉剔荒徵熟體卹蒼黎無微不至由是民心悅服地方安堵如恒七年積勞成疾卒於任

川沙廳志卷九

選舉志

選舉表

明進士

舉人

貢生

景泰

蔡

孫

字廷觀
官建昌教諭

正德

艾

洪

字文宏
十七保
人十二
湖廣都司斷事

嘉靖

秦

宗

字和甫
九團人

嘉靖

秦嘉楫

字少說
官南
京工部主事
有傳

秦嘉楫

見進士

艾可久

見進士